

勉益齋續存稿卷七

目錄 江蘇

通飭呈

發

徐步

黃洪應

紫引火水

丹徒縣詳石近春因病身死批答

海州詳名女丐自刎身死批答



先行重責柳號示眾再行

830655

勉益齋續存稿卷十一

目錄 江蘇

再詢州縣各官賢否檄

再詢佐雜教官賢否檄

再飭不薦幕友等項檄

再飭書吏不得積壓稿件諭

再飭各屬不許雇替差役伴犯檄

通飭佐貳雜職不準擅受檄

飭各書監候待質等項人犯趕緊辦理諭

勉益齋續存稿

卷十一

目錄

飭徐州府查拏盜匪棍徒檄

禁婦女入廟念佛燒香示

禁青皮人等滋事示

江寧縣詳程朝相自縊身死批答

豐縣詳王五戮傷伊妻身死批答

方鄭氏呈批

通飭報竊案件據實詳辦檄

通飭婦女有犯不得濫用錄銬收禁檄

蘇州府會稟盜犯陳沅應否就現供定擬批答



禁匪徒詐擾各條示

禁開場聚賭各條示

禁搭棚抬詐各條示

通飭各屬詳面遵蓋戳式檄

被竊案件捕保勒抑隱匿許隨時赴司攔輿具

稟牌

泰州詳文生張景緒首子張兆祥違忤飭府訊

辦檄

禁拔名東道示

勉益齋續存稿

卷十一 目錄

二

禁藉端詐擾示

京控案件分別奏咨及人證多寡情節輕重劃

一 辦理論

通飭示禁鴉片檄

禁沿河匪徒假托支更需索客船示

陸希賢呈批

揚州府詳泰州文生張景緒首子張兆祥忤逆

批答

勉益齋續存稿卷十一

再詢州縣各官賢否檄

道光十八年四月

州縣各官賢否檄

入法治官守牧職司察吏百寮宣化州縣責重親民
從來政事之淳漓專視州縣之賢否未有操學道愛
人之要而邑不鳴絃亦未有昧繭絲保障之經而斲
無傷手者也江蘇繁庶甲於直省小民情僞多若棼
絲雖負兼人之才已有不給之慮加以艱難漕轉竭
蹙窮年撫字催科兩事有時相礙手披目覽五長安
得兼全欲期有益於閭閻端在講求於平日本署司

勉益齋續存稿

卷十一

江蘇

一

恭承

簡擢職任糾彈曩年莅事之初曾下通行之札蓋欲
標諸露檄樹以風聲贊憲府之澄清副大廷之彰瘴
各該府州和衷共濟當已實力奉行茲本署司載荷
恩綸重來陳臬一誠相與原無今昔之殊九職任民
詎有弛張之跡惟相距業經兩載恐情形究屬不同
在舊寮熟路輕車再見理應刮目而羣彥新硯發刃
措施當不違心際茲歲慶屢豐民蘇元氣倘使挾鑑
基而乘勢何殊由高屋而建瓴將見化導行而風俗

還淳廢墜修而綱維悉舉處囊者雖必立見驗履者
跡在已行亟應簡厥循猷俾得展其卓績若乃玩時
愒日廢弛因循該府州表率攸資豈肯姑容貽誤本
署司爲核實人才起見合行專札密詢札到該府州
務將所屬各州縣孰具猷爲孰勵操守孰肯勤求民
瘼孰能嚴剔緇奸必具列其間見之端以備攻其施
行之實倘有但知鬪冗素昧經權或授柄於他人或
貽殃於葑屋亦卽密爲指述俾得早挂彈章總之激
濁揚清三尺法乃鎔才之具澄源端本百里宰實起
勉益齋續存稿

卷十一

江蘇

二

化之基本署司所按何官所察何事旣膺風憲不得
不辨別於先該府州勿以爲迂而置之務須切實直
陳詳細密稟不得僅以謹慎毘勉含糊籠統之詞敷
衍塞責本署司有深望焉

再詢佐雜教官賢否檄

道光十八年四月

州縣職司教養必須贊理得人是以前特設佐雜教職等員蓋陳殷設輔之義佐雜取其近民故秩遞卑欲其爲印官耳目故不準受詞有事則牒諸長苟能稱職則四境民情事理無不周知印官不徒收奔走之勞且可獲指臂之益而佐雜藉資歷練馴擢專城其施助於人者亦當收效於己官無大小未有虛設者也至於教官職在師儒周禮九兩繫民所關尤重欲端士範先自飭其躬行欲振文風首在作其氣節呂勉益齋續存稿

卷十一

江蘇

三

新吾先生社學條約陳文恭公訓士遺規皆切近易行最宜鄉校教職若師其意凡民胥有遵循化刑政於未形育人才於無類豈惟州縣得其裨益抑亦良莠均獲陶甄其關係斯民均非淺鮮自各員習焉不察遂成冷宦閑察自卑者徒切怨尤不知効職自是者肆無檢束干預地方甚至憑空生出事端無故擾及良善州縣官始而含糊繼而水火養癰肘腋貽害閭閻其有乖於設官初意豈乎遠矣本署司曩年陳臬曾經告誡諄諄今茲仰荷

恩綸重來舊治當

功令森嚴之際量無踰閑蕩檢之員但賢否未能周知鑑別最宜審慎合行專札密詢札到該州縣務體旌別淑慝之意將所屬佐雜教官孰能稱職孰能有益長官有無擅受民詞廢弛學校及交通紳士勾結吏胥爲正印官之害各就見聞所及臚列銜名開具事跡切實密稟以憑分別詳請舉黜勿徒以勤慎黽勉含糊籠統之詞敷衍塞責仍隨時加以督察切勿稍有瞻徇致干訪問并有未便

再飭不薦幕友等項檄

道光十八年四月

幕賓長隨不準上司勒薦更不準令意所親厚之屬
官代爲轉薦違者勒薦之上司與受薦不報之屬員
均干參處定例甚嚴所以杜嫌疑防弊竇也本署司
幼承家訓世受國恩向無隨任姻親久杜尋常請謁本無相藉吹噓
國恩向無隨任姻親久杜尋常請謁本無相藉吹噓
之事正可永除推薦之端曩年莅篆吳門卽已通行
各屬茲旣重臨舊治自應申告羣僚札到該衙門官
吏須知本署司從不引薦山長幕賓每值小試之年

勉益齋續存稿

卷十一

江蘇

五

亦不薦衡文朋友卽屆收漕之際更不薦徵比先生
此外爲家人謀噉飯地以貨物作抽豐資及借他事
爲題告幫乞助皆自來所未有斷不肯忽爾開端且
不託首府首縣暨在省候補試用各員轉相致語行
之已久共見共聞倘有假捏書函冒稱囑託不論於
公事有無干係皆屬招搖撞騙者所爲該衙門立卽
鎖拏根究來歷據實稟聞將書札原人併齎解來
轅聽候究辦切勿稍有容隱致干查究至各府州有
管轄屬員之責體統攸關亦應恪遵

功令勿徇他人之情面致壞自己之聲名况乎既開
資緣囑託之門必至應接不暇迨啟挾制勾通之漸
徒慚表率無方因而處處皆疵事多掣肘焉得人人
而濟士盡歡顏欲罷不能追悔何及是欲味公道而
重私情究之公私兩有所損轉不若概行杜絕久之
自能見諒於人既免無厭之求亦無不情之請省多
少筆墨省多少唇舌省多少瞻徇牽制實於公私兩
有裨益也本署司幾經閱歷屢見有後悔之人該府
州各願考成應引爲前車之鑒慎勿以爲向來如此
勉益齋續存稿

卷十一

江蘇

六

各處皆然因仍陋習自尋苦惱并干咎戾有資本署
司諄諄誥誡之意該府州卽通行所屬一體知照仍
飭將遵奉緣由稟覆備查勿稍違延

再飭書吏不得積壓稿件論 道光十八年四月

本司衙門爲刑名總匯一切申上行下文稿皆應隨到隨辦不可稍有積壓因而遺漏前經本署司諄諄諭飭至再至三該書等自當永遠遵行始終不怠方爲實心任事之道茲本署司恭膺

簡命復署斯篆連日披閱稿件竟有上年九月十一十二等月奉院憲批發及各屬詳司者延今始行送稿送批甚至軍流請咨起解徒罪詳請定地等案以及一切例有定限之件亦遲擱數十日之久種種任勉益齋續存稿

卷十一 江蘇

七

意稽壓殊屬不成事體本應查提責革姑念事屬既往從寬免究合再諭飭諭到該承發書會同各房書吏逐一清查有無未辦事件限二十日陸續辦竣不得再有積壓遺漏嗣後緊要事件隨到隨辦次要之件限十日內送稿送批尋常事件亦不得過十五日呈送稿批時務將某日到司某日發房某日送稿送批一一註明以憑查考如敢不遵察出定卽嚴行究懲決不寬貸各宜凜遵勿忽

再飭各屬不許雇替差役伴犯檄

道光十八年四月

各州廳縣解勘人犯例應僉撥正身差役誠以所解之犯若非斬絞卽係軍流正身差役奉差押解責有攸歸自必小心伴守不致有疎脫之虞無如各屬解差往往雇人頂替所雇之人類多無籍之徒遊手好閑形同乞丐卽不至中途棄犯潛回而解省寄禁後旋卽避匿無從傳喚揆厥由來始則貪圖微利受人雇替繼因盤費用盡卽生逃避之心以爲如有事故正身自有其人可以諉卸殊非慎重辦公之道本署勉益齋續存稿

卷十一

江蘇

八

司前陳臬事卽經嚴飭各屬務撥正身差役毋許雇替代解不啻至再至三茲查各州廳縣押解差役仍不免有雇替之事此等惡習深堪痛恨本應指提究徹合先通飭札到該府州卽飭所屬遵照嗣後押解人犯及解省京控提省人證均於點解時當堂僉撥正身差役伴解不許再任雇替頂名代解如敢仍蹈前轍定卽委員守提該差役來省從重究辦該原解州縣亦干未便文到仍先將遵辦緣由具報查考

通飭佐貳雜職不準擅受檄

道光十八年四月

州縣爲親民之官凡地方命盜案件以及戶婚田土詞訟責有攸歸事無旁貸至於各府廳州縣佐雜以及首領等官或水利隄防或監獄緝捕均有職分應管之事從無準理民詞之條卽分駐地方遇有竊盜娼賭等犯亦止許先行拘拏隨卽解送印官審理不準擅自訊問蓋該員等職較卑微分居閒散雖清心寡欲者不乏其人而蕩檢踰閑者亦屬難免是以一經擅受卽干降調而濫刑斃命擬罪尤嚴律例具在

勉益齋續存稿

卷十一

江蘇

九

該員等諒亦習知特恐陽奉陰違視爲無關緊要一旦按法相繩或轉訝爲操切現在丹徒縣主簿鈕信友擅受釀命業經本署司會叅革職提省審辦從此懲一可期儆百該員等亟須自愛功名引以爲鑒本署司執法如山不憚先行誥誡合亟札飭札到該府州卽便遵照轉飭所屬佐貳雜職等官務各自勵廉隅安分盡職不以素餐貽譏亦不以越俎取戾倘或不知檢束再有擅受濫刑等事一經訪聞或被告發本署司惟有立卽詳請咨革按律懲辦斷不姑寬該

府州等狗縱失察均干重咎慎勿泛視違延

年四月

本司衙門為刑名總匯一切申上行下文稿均應隨

到隨辦不可稍延飭依限趕辦在案而

各屬監禁人犯如有監禁虧空年滿轉詳請咨或軍

流等犯奉漢部人犯奉到定地飭

知以及查辦留案小司不該房書等於接到憲行

及府縣詳文後均應趕緊細核分別轉詳行知原以

此項人犯案已久定苟官司早一日辦理即罪因少



飭各書監候待質等項人犯趕緊辦理論

道光十八

年四月

本司衙門爲刑名總匯一切申上行下文稿均應隨到隨辦不可稍有積壓業經諭飭依限趕辦在案而各屬監禁人犯遇有監候待質年滿轉詳請咨或軍流等犯奉準部文請咨起解徒罪人犯奉到定地飭知以及查辦畱養承祀等件該房書等於接到憲行及府縣詳文後均應趕緊細核分別轉詳行知原以此項人犯案已久定苟官司早一日辦理卽罪囚少免益齋續存稿

卷十一

江蘇

十一

一日拘攣豈容胥吏任意稽遲捺摺本署司前陳臬事卽經通飭各屬勒限趕辦在案茲膺

簡命復署斯篆披閱稿件不但州縣一任遲延司中亦多擱壓竟有到司後遲至兩三月始行送稿者實屬任意淹禁本應提究姑念事屬既往寬免深求合再諭飭諭到該承發書卽會同各房書吏逐細清查如有前項未辦事件限三日內辦稿送核嗣後務須隨到隨辦不得再有積壓并查明各州縣如有監候已滿年限及應行請咨起解畱養承祀等項人犯隨

時具稿行催趕辦自諭之後該書等務各勤慎從公
切勿仍前怠忽語云公門中好修行其各勉旃勿違
勿忽



官長為匪徒
隱勾連以致
在民間私
法收繳兇悍之
漸息但各村莊乃械
賊手以資爭鬪亦予以禦盜賊如不識其源而徒
設民賊械盜行繳捕而匪類是兇仍存肆其

飭徐州府查拏盜匪棍徒檄

道光十八年四月

莠草不除嘉禾不植匪棍不夫良善難安該府所屬各州縣民情獷悍盜賊滋多而且壤接豫東此拏彼竄最爲匪徒出沒之所因之差保通風包庇地棍容隱勾連以致劫搶頻聞十無一獲言之深堪痛恨現在民間私藏軍械已經巡道示諭各屬議立章程設法收繳兇悍之風自可冀其漸息但各村莊刀械之藏半以資爭鬪亦半以禦盜賊如不清其源而徒截其流設良民藏械盡行繳銷而匪類逞兇仍然肆害勉益齋續存稿

卷十一

江蘇

十三

似轉非保民之道是嚴拏盜匪尤爲目前當務之急本署司前陳臬事卽經疊飭該府州縣等認真查拏以期賊匪潛踪闔閭安堵在任兩年有餘諄諄誥誡所獲積窩巨盜均經從重懲辦該匪等稍知斂跡行己已有實效茲恭膺簡命載莅是邦志在安良法先除暴該署府素稱幹練爲本署司所深悉雖係暫時署篆定不肯存五日京兆之見亦爲本署司所預信似此盜賊棍徒擾害地方若不實力緝拏從嚴究辦何以除兇暴而靖閭

閩合亟諄切札飭札到該府卽便遵照督飭所屬各
州縣選差幹役購線懸賞會同營汛兵目嚴密訪拏
務將地方積匪巨盜以及地棍兇徒逐一拏獲到案
查明所犯案據從重懲辦毋稍輕縱亦毋任差役人
等藉端擾累是爲至要仍將通飭遵辦緣由先行稟
復并將所獲盜匪陸續稟報一面訊供通詳據實辦
理本署司總刑名之任該署府爲表率之官慎毋泛
視違延有負父母斯民之責也

惡習始於鄉里愚民

禁婦女入廟念佛燒香示

道光十八年四月

訪聞宜興荆溪等縣地方近來有等婦人不茹葷酒
名爲齋娘以齋娘之名與各寺院僧人往來無忌其
僧人之無良者託齋娘以誑惑城鄉各姓婦女結隊
成羣聯爲佛會如念小七佛期以七日若念大七佛
則四十九日一時男女咸集晝夜不休又有僧人坐
關者於進關時婦女集送多至數百人各帶數百錢
爲飲食等費出關時亦然此等惡習始於鄉里愚民
駸駸延及紳士人家日甚一日其婦女之父兄夫男
勉益齋續存稿

卷十一

江蘇

七

心知其非而不能禁大爲風俗人心之害業經委員
前往將僧慧音僧定法拏獲發交宜荆二縣訊擬詳
辦在案惟念吳中風俗婦女佞佛者多誠恐僧人齋
娘誘令結會念佛不獨宜荆爲然卽各州縣亦在所
不免除密訪查拏外合先出示諭禁爲此示仰合屬
軍民人等知悉務各遵照約束婦女人等深處閨門
各勤紡織毋被齋娘所惑結隊成羣聯爲佛會并於
僧人坐關出關出資集送其前此會爲齋娘者亦卽
易轍改絃勿得仍聽僧人煽惑誑令城鄉婦女聯會

念佛該僧人等尤宜謹守清規不得勾通齋娘結會
歛錢自示之後倘仍有婦女入廟燒香念佛等事一
經訪聞拏獲定將婦女之父兄夫男照律懲治齋娘
僧人發交地方官從重治罪決不寬貸本署司言出
法隨慎毋以身嘗試各宜凜遵毋違名青皮其先跟

隨糧船南下勾字為記

運過完又復遲留不

返此等匪徒類皆無賴

或賭博逞兇甚至惡借強盜乘機搶竊種種害商
民殊堪痛恨茲查各幫糧艘已據陸續稟報過竣在

禁青皮人等滋事示

道光十八年四月

糧船水手屢次擾害地方歷奉各院憲通飭文武員弁嚴拏懲辦並於糧船經過地方委員彈壓不許上岸滋事該水手人等漸知聞風斂跡乃有一等無籍之徒每恃水手爲護符隨幫游奕俗名青皮其先跟隨糧船南下勾串爲匪迨至重運過完又復遲留不返此等匪徒類皆獷悍性成愍不畏法或酗酒滋擾或賭博逞兇甚至惡借強踰乘機搶竊種種擾害商民殊堪痛恨茲查各幫糧艘已據陸續稟報過竣在勉益齋續存稿

卷十一

江蘇

七

册水手自必隨船北上誠恐前項青皮人等逗遛在境滋生事端若不嚴行驅逐拏懲辦何以戢奸宄而靖閭閻除飭各府州縣會同營弁於糧船經過地方一體認真驅逐嚴密查緝外合亟出示諭禁爲此示仰闔屬軍民保甲鋪戶人等知悉嗣後如遇前項青皮人等潛匿在境遇事逞兇恃強騷擾許該處軍民鋪戶協同差保汛兵立時拏解所在有司官提案從重治罪其幫同拏獲之鋪戶居民立卽釋回各安生業不必候質倘有本地匪人窩畱藏匿或差保汛

兵知情徇縱將來別經發覺一併從嚴究處決不姑寬本署司言出法隨慎勿輕爲嘗試其各稟遵勿違

供詞游移不肯

以地主人等受累無窮

爲地方之害

長此案程朝輯至

士斌客店

錢不遠彼此爭鬧復

向汪士斌借

給錢五十文款

斌不允借錢之

後在汪士斌門外

自縊身死生前有因貧難度之言向孫長春等

死後經縣驗明白縊並無別故其爲因貧所致

江寧縣詳程朝相自縊身死批答

道光十八年四月

查自盡命案內屍親圖詐圖賴或飾詞妄告或到案供詞游移不肯領棺歸葬致地主人等受累無窮深爲地方之害此等刁風斷不可長此案程朝相至汪士斌客店找尋同鄉之嚴三借錢不遂彼此爭鬧復向汪士斌借擾經孫長春等墊給錢五十文挾汪士斌不允借錢之嫌赴縣妄控後在汪士斌門外竹籬自縊身死生前有因貧難度之言向孫長春等告述死後經縣驗明自縊並無別故其爲因貧所致似無

勉益齋續存稿

卷十一

江蘇

十九

疑義乃屍弟程朝美供稱伊兄程朝相帶銀五兩被一牀至寧代母買衣不特與程朝相控詞自稱擺賣生果一層不符而原驗該屍身穿破藍布棉襖生前又屢次向人借貸貧窶可知銀從何來已屬捏飾且旣經查訪投案仍不能指出自縊緣由更見並無別故何轉稱如何自縊要求訊辦又不遵照縣諭具結領棺聽候覆訊輒敢恃蠻不遵實屬藉屍刁詐更恐書差人等有串通勾結情弊或另有主唆之人該縣並不卽時訊明押令領埋遲至三月有餘仍以催訊

另詳爲詞草率具詳大屬非是豈必待程朝美詐財到手書役分肥遂慾始行另結耶查該令現已卸事仰江寧府速飭現署縣立提屍弟程朝美到案摘提緊要人證研訊程朝相自縊身死實在有無別故程朝美如何藉屍恃蠻是否有心詐賴書差人等有無串通勾結情弊此外有無主唆之人務得確切供情另行議擬通詳察辦其地主隣佑人等如訊係無干立即當堂先行保釋勿得任差羈累索詐致干查究

豐縣詳王五戮傷伊妻身死批答

道光十八年四月

查律載夫毆妻致死者杖一百註云父母親告乃坐又例載秋審可矜人犯內如子婦不孝詈毆翁姑其夫忿激致斃案情既確照免死減等例再減一等發落各等語詳繹律義誠以子婦之於翁姑與父母等其有不孝毆詈則罪犯應死是以其夫忿激致斃止懲其擅殺之罪予以滿杖惟是倫紀綦嚴人命至重如使其妻並無毆詈干犯重情其夫因別故將妻毆斃勉益齋續存稿

卷十一

江蘇

三

父母溺愛其子恐其擬抵於毆死之後代爲捏飾圖脫子罪亦不可不預杜其漸是以律註云親告乃坐正以明事前未經呈告逮其妻被殺後始經供有詈罵翁姑情事伊父母隨同供證者不得概行引用卽使案情確實亦須俟秋審時核辦其是毆是故分別減等發落若詈罵毫無證據雖審無起衅別情仍應照例入緩向來辦理章程較若列眉不容淆混此案該犯王五因妻于氏偷食隣人喬玉家神前供菓經喬玉告知伊翁王成將于氏訓斥于氏不服詈罵該

犯聽聞用鐵鎗戳傷于氏左肋旋卽殞命是于氏之
詈罵伊翁雖經王成於報驗到官後供明且有隣佑
供證究未據於該氏未死之前告官自不便因其事
後投保報驗卽坐于氏以應死之罪轉寬王五以絞
抵之條今該縣並不起傳屍屬到案提同王五等確
切研究有無串捏避就照例辦理率以于氏詈罵其
翁致被戳死一面之詞通詳并於詳尾聲明覆訊按
擬詳辦字樣又不將兇犯照例收禁意存開脫實屬
不諳律例仰徐州府卽飭將王五收禁比差勒傳屍
勉益齋續存稿

卷十一

江蘇

三

屬于鳳先到案再行提集犯證研訊是否實因其妻
詈罵伊父戳傷致死有無起衅別故串捏避就務得
確情另錄切供通詳察辦一面按擬解勘毋稍枉縱
率延

方鄭氏呈批

道光十八年四月

其命薄而已

查此案現據清河縣訊擬通詳氏婿鄭雲章因向該氏借錢未遂藉端將氏女鄭方氏疊毆以致鄭方氏氣忿服瀉身死不特鄰證李李氏等供無別故卽該氏亦到案供明無異今據呈鄭方氏係被鄭雲章毆斃灌瀉核與該氏在縣所供自相矛盾殊不知命案應以相驗情形爲憑斷非屍親所能隨意混指是案原驗鄭方氏雖身受多傷而口眼皆閉指甲黑黯流出涎沫煎熬成鹽確係被毆後服瀉身死該氏何得

勉益齋續存稿

卷十一

江蘇

三

指謂毆斃灌瀉希圖聳聽該縣將鄭雲章依妻與夫角口毆有重傷縊死者杖捌拾例杖捌拾杖不滿百所革武生聲請開復係屬照例定擬本署司查核案情毆妻自盡例科重杖於罪雖無可加而借錢未遂遷怒兇毆於情實爲可惡自未便再準開復武生已批府核擬另詳察辦矣該氏痛女情切遠來呈控殊屬可憫惟夫妻名分既定照例止能如此問擬雖欲加之而不可得也諺云不是冤家不聚頭該氏之女誤嫁武夫致遭殘暴業經自盡只可嘆其命薄而已

不必聽人教唆砌詞越瀆自尋拖累枉費錢財徒勞無益也

不但緝捕之得

之必嚴本署司莅任以

來披閱各屬

出該州縣每於事

至報到官館

頂為輕擬罪名地步

定獲犯後又

竊大數逐案跟究從

員懲辦僅據供

案草率定擬其杖刺發

密即罪由城且在該州縣從前審辦此等案件或因

有竊數多應照積匪帶賊擬軍或三犯竊盜或賊匪

通飭報竊案件據實詳辦檄

道光十八年閏四月

爲政首在安民安民必先弭盜而盜之所以能弭者不但緝捕之得力尤在懲治之必嚴本署司莅任以來披閱各屬報竊之案層見疊出該州縣每於事主呈報到官卽將贓物任意短估預爲輕擬罪名地步迨獲犯後又不將該犯實在行竊次數逐一跟究從實懲辦僅據供認之一二小案草率定擬非杖刺發落卽罪止城旦在該州縣從前審辦此等案件或因行竊數多應照積匪猾賊擬軍或三犯竊盜或贓已勉益齋續存稿

卷十一

江蘇

五

及貫亦應問擬軍流皆須解道解司而賊犯狡猾異常往往於提審時翻異前供堅不承認非委員審辦卽發回質訊既恐解費賠累復慮遲延獲咎是以將就完結不肯嚴究重辦今自道光十五年新纂條例凡竊盜計贓計次計人數問擬軍流各犯概將人犯解該府州廳審轉具詳由司覆核專案詳咨毋庸轉解司道勘轉是此等案犯之毋庸輾轉解勘例內既有明文奉行亦非一日該州縣亦復何所苦累何所顧慮而仍不從實究辦如謂輕辦竊賊可積陰功姑

無論縱賊殃民爲

國法所不容卽爲天理所不恕已屬無功可錄卽就竊賊而論旣經犯案卽屬竊匪齊民耻與爲伍此輩旣無恒產又無恒業卽有可依親族從此莫敢收畱雖欲食力傭工因之無人承雇更兼不肯捕保因係舊匪遇有報案輒向究問甚至訛索規禮該匪旣無自新之路且計犯案到官不過枷打亦無可畏之法勢必致復萌故智仍蹈前轍一而再再而三久之胆大手滑拒捕行強無惡不作不至問擬大辟不止推勉益齋續存稿

卷十一

江蘇

五

其致死之由皆因輕縱而起是不但無功更不能無過若逐案核實估贓并嚴究行竊次數問擬軍流一經到配例給一年口糧已可藉以餬口否則或充更夫或充水火夫亦可自食其力況初到生疎之地又有管束之人回憶牢獄十數月遞解數千里艱苦備嘗或者幡然改悔勉爲善良亦未可定是此等匪犯與其畱在本境致令害及閭閻何若屏諸遠方轉可全其生命該州縣何竟不計及於此始終有心開脫本署司深爲不解前因各州縣於報竊案件每將贓

物短計輕估卽將贓冊發還駁令確估並通飭遵照
在案誠恐該州縣於獲犯審訊時仍不能嚴究各情
致滋輕縱合再申明例意體察情形剴切通飭札到
該府州卽飭遵照嗣後遇有地方竊案一經事主呈
報先照單開贓物傳牙核實確估勿許輕減一面勒
緝贓賊務獲研訊該賊犯行竊實在次數是否積匪
猾賊逐一究明從嚴懲辦勿許不實不盡此係本署
司爲弭盜安良起見經此次通飭之後該州縣果能
獲犯重懲逐案據實詳辦俾宵小潛踪商民安枕地
勉益齋續存稿

卷十一

江蘇

七

方日有起色本署司不難錄其賢勞登諸薦牘若再
仍前玩縱以致報竊時聞事主紛紛上控本署司定
將該州縣嚴揭請參該管府州亦干未便白簡具在
斷不能爲縱竊殃民者曲爲寬宥也其各自顧考成
勿再稍任延縱自取咎戾仍將遵辦緣由稟覆備查

通飭婦女有犯不得濫用鐐銬收禁檄

道光十八年閏

四月

查律載凡婦人犯罪除犯姦及死罪收禁外其餘雜犯責付本夫收管如無夫者責付有服親屬鄰里保管隨衙聽候不許一概監禁又例載婦女除實犯死罪例應收禁者另設女監羈禁外其非實犯死罪者承審官拘提錄供卽交親屬保領聽候發落不得一概羈禁又載凡擬徒收贖婦女除係案內緊要證犯仍行轉解質審外其經州縣審訊明確毋庸解審者勉益齋續存稿

卷十一

江蘇

三

卽交親屬收管聽候發落又載婦女有犯姦盜人命等重情及別案牽連身係正犯仍行提審其餘小事牽連提子姪兄弟代審違者以違制治罪等語細繹律例誠以男女有別婦人一入囹圄便玷名節故非犯姦及死罪概不監禁犯姦之罪雖有不同而寡廉鮮恥已非全人死罪重情不得不慎故聽收禁其餘一切雜犯不論輕重皆責付本夫及親屬鄰佑管保卽可無虞逃逸所以別嫌疑保名節也至小事干連婦女本無應得罪名是以準令子

姪兄弟代審不得一概拘提所以養其廉恥免其侮辱例意何等詳慎乃江蘇各州縣遇有婦女犯罪并不詳加查察往往任意辦理本署司檢查案卷本年二月卽有江寧縣俞李氏與媳俞金氏私取伊翁俞鍊金銀兩該令取供後并不當堂交伊翁領回遽發媒頭宋洪看管以致俞李氏等俱行自盡之案本月復據揚州府審解泰州民婦童劉氏夥同曹三和誘曹氏嫁賣將童劉氏依和誘知情爲首擬軍并非實犯發遣律應收贖一案人文到司并於詳尾填鎖錄勉益齋續存稿

卷十一 江蘇

无

銬字樣均屬有違定例除飭長洲縣將犯婦童劉氏開除錄銬交給原解批差帶回泰州交屬收管候示并飭江寧府將濫押婦女致釀二命之江寧縣嚴揭請參外合行通飭札到該府州立卽轉飭各屬一體遵照嗣後婦女犯罪除犯姦及死罪并實犯發遣者仍照例收禁轉解院司親勘外所有一切軍流及命案徒罪例得收贖之犯業經州縣審明解候府州勘定發回仍交親屬收管聽候詳咨發落毋庸解司亦不得濫用錄銬收禁其擬徒收贖婦女審明後卽交

屬收管一面具文詳辦至因案牽連婦女并非姦盜人命重情審結後並無罪名可科者一概不得傳質止提子姪兄弟代審倘仍前故違定例或陽奉陰違一經本署司查出定行巡揭請參該府州并干未便仍飭將遵辦緣由及現在有無牽連婦女案件作何辦理先行據實稟復勿稍違延不入室搜贓而伊犁谷覆談東及在途病斃之顧東僉供陳沅實係入室搜贓是供既兩歧卽應詳請再咨河南伊犁兩處訊取確供咨會核辦何以僅請專咨伊犁并於詳內聲

蘇州府會稟盜犯陳沅應否就現供定擬批答

道光十八年閏四月

此案陳沅隨同入室搜贓前據倪春等供證確鑿卽該犯到案初供亦自認不諱迨經松江府成招到司犯供翻異委審供仍狡展查詢解配各犯供詞奉準河南省咨覆周玉供明陳沅並未入室搜贓而伊犁咨覆談東及在途病故之顧東僉供陳沅實係入室搜贓是供既兩歧卽應詳請再咨河南伊犁兩處訊取確供咨會核辦何以僅請專咨伊犁并於詳內聲勉益齋續存稿

卷十一 江蘇

三

明准河南省咨覆軍犯周玉供明陳沅并未入室事屬鑿鑿伊犁咨覆遣犯談東又稱陳沅實係入室搜贓明有不實應再訊取談東實供等語是明明教令談東改供謂非有意開脫其誰信之且發遣烏魯木齊之張阿瑞供稱陳沅並未與伊一處瞭望核與談東等前供不謀而合則陳沅既非在外瞭望自屬入室之人顯而易見該縣府並不切實根究因張阿瑞供詞又與陳沅不符談東第二次供亦尙未覆到輒復詳請咨提張阿瑞談東來蘇質訊似必欲張阿瑞

談東畏長途遞解之苦均改供陳沉在途瞭望則陳
沉便可倖逃顯戮矣殊不知此等免死改遣人犯一
經脫逃例應卽行正法設張阿瑞等中途脫逃被獲
立正典刑豈非欲救陳沉轉殺張阿瑞等耶卽或不
逃而往返數萬里按站鎖銬收禁張阿瑞等亦可謂
無辜拖累矣何厚於此而薄於彼也今談東雖已遵
照改供陳沉在途瞭望而第三次咨提談東之文尙
未奉伊犁咨覆張阿瑞亦未據烏魯木齊解到旣已
咨提在先自應俟該犯等解到質明辦理未便卽照
勉益齋續存稿

卷十一

江蘇

三

現供定擬解勘致滋輕縱故出人罪例議綦嚴該府
縣不可不慎也

禁匪徒詐擾各條示

道光十八年閏四月

蘇省爲水陸通衢五方雜處商賈雲集闐閭塵囂踵接肩摩不絕於道每有不法匪徒橫行街市擾害地方本署司前陳臬事卽經廉得數端出示嚴禁該匪等漸知斂跡茲者恭膺

簡命載蒞是邦復加察訪該匪徒日久玩生竟敢仍萌故智實屬藐玩除委員將張宗堂顧阿四小莊卽小章吳錦漢卽查半天陳阿慶卽衝天爐來名卽雷明龔阿狗小陳卽程廣中沈寄梅殷德豐等匪犯鎖勉益齋續存稿

卷十一 江蘇

三

拏到案發交蘇州府嚴行審訊從重治罪并飭將未獲各匪犯按名查拏外用是不憚煩言再申誥誡所有應禁各條開列於左

一蘇郡有種無業游民專以婪索爲生涯詐錢爲伎倆每遇人家孀婦再醮及價買妾婢等事輒卽引類呼朋登門訛索稍拂其慾動稱逼嫁孀婦混指來厯不明以至民間開店遷居婚喪慶賀買賣田產亦各糾合多人詐取酒食勒索錢文甚見少年子弟偶偕戚族婦女在街行走卽以跡涉可疑混向盤詰苟其

人忠厚可欺輒捏鄙污事情用言嚇詐被害之人每以體面攸關出錢了事無中生有遇事興波所得錢文朋分花用則爲野人公帳

一蘇郡有種兇悍棍徒或係本地積匪或係作坊工匠時向各店鋪惡借強賒偶有微嫌輒糾黨數十人或百餘人喧嚷吵鬧店鋪畏其人眾勢兇轉向央告或給錢或給酒始行散去苟與理論卽恃眾逞強毀壞什物時復糾出夥黨假作調停視店之大小分別令其出錢罰演神戲在店鋪買靜求安不得不忍耐勉益齋續存稿

卷十一 江蘇

一寢息而從中說事過錢者又須致送酬儀名爲謝將以商民有限之資財填若輩無窮之慾壑結黨成羣一呼百諾蜂屯蟻聚攘臂揮拳是謂齊人相打

一蘇郡有種狡獪姦民假托堪輿慣作中保每於民間營葬一事偵知其將次舉行卽串通賣主墳鄰人等出頭攔阻或稱地價未敷欲行找貼或藉界址相連指爲盜葬或以風水有礙不許掩埋在本家以葬親大事斷不肯因此愆期而若輩反得肆其勒索并有腳夫人等擡送棺柩亦必需索夫價數千文至數

十千文不等如因索價過昂另雇扛擡卽糾領衆腳夫尋衅滋擾不遂其慾不止無端攔阻罔顧損人朋串分肥只圖利己莫若阻葬索詐

一蘇郡有種刁惡丐匪每于閭門中市及南濠上塘等處熱鬧地方手持破損瓶碗或殘缺石玉等件潛立巷口伺有外來鄉民卽躡跡隨行故意挨身碰撞將瓶碗等件擲碎捏稱係貴重之物硬索賠償又或遇見柔懦客民帶有錢洋或三或兩或前或後圍隨同走每於僻處笑稱欠伊錢文混向索討其夥黨則勉益齋續存稿

卷十一 江蘇

三

稱曾爲作中從旁硬証若不給與輒將穢物擲污頭面甚至攫取錢洋剝脫衣服更有於三义路口將人碰跌乘便搶取帽子以致鄉間士庶進城者咸有戒心無因而至突如其來趨避稍遲卽遭欺辱名曰碰詐

一蘇郡有種輕狂惡少三五成羣日逐游蕩若非花街柳巷卽係酒肆茶坊每見人家年輕婦女粧飾艷麗舉止輕浮輒卽羣相圍繞攔止前行擦背挨肩有心擁擠品頭題足任意譏嘲甚至撕破衣衫拔取首

飾而喜事之人聞聲響應愈聚愈多卽有本家夫男
跟隨同行亦苦于寡不敵衆莫可如何城內元妙觀
閭門朱家莊等處此風最甚迴環指視欲避無從雜
遯喧呶同聲拍手此爲打圈子

以上五條皆係蘇郡惡習深爲地方之害推原其故
總由保甲及奸胥蠹役勾結包庇坐地分肥卽使告
官又復任意需索設法消化甚至生事者查不到案
受害者轉被羈畱不特冤不能伸抑且累無底止若
輩旣得便宜自然益無忌憚似此狼狽爲奸言之殊

勉益齋續存稿

卷十一

江蘇

三

堪痛恨自此次示禁以後責成保甲實力稽查遇有
前項匪徒立時稟明地方官嚴拏到案照棍徒生事
擾害良民例治罪被害之人卽時質明當堂省釋不
得拖累倘該保甲仍敢容隱包庇該差役仍敢索詐
刁難本署司近在同城見聞最切一經訪察得實或
被告發定卽立拏該匪類并該差役人等親提訊究
爾等自問應得何罪凜之慎之勿貽後悔

刑罰同於衣苦千寒不逾寒莫可改悔其言示警
刑罰同於衣苦千寒不逾寒莫可改悔其言示警

禁開場聚賭各條示

道光十八年閏四月

興利必先剔弊端莠乃可安良蘇省地方人烟稠密
奸宄易生安分守法者固多而囿於習俗惟利是圖
害民傷化者亦所時有本署司前陳臬事卽經廉得
數端分別出示嚴禁在案茲恭膺
恩命重莅是邦誠恐日久玩生仍蹈前轍合再出示
曉諭所有應禁各條開列於左凡我軍民保甲人等
其敬聽之

一開場聚賭宜禁也賭博爲耗財之具盜賊之源呼
勉益齋續存稿

卷十一

江蘇

七

朋引類貴賤不分以致良家子弟每入牢籠鄉里愚
民亦遭陷阱小則廢時失業大則蕩產破家甚至迫
於饑寒流爲盜賊强者鬪毆釀命弱者自盡輕生種
種爲害難以枚舉例載開場聚賭分別流徒同賭之
人俱問枷杖房屋棚廠一概入官定例森嚴斷難輕
恕其各自保身家切勿干犯刑章後悔莫及

一私宰耕牛宜禁也蒸民必資粒食佃農首重耕牛
牛之爲物終歲勤動日受鞭訶其勞旣多厥功匪細
鄉民之貧乏者恒苦有田無牛有牛之家豈容再任

宰殺亦思三時不害稼穡攸資何忍貪圖小利戕其
生命例載私宰耕牛分別杖徒充軍盜牛數多罪應
擬絞立法綦嚴凜不容犯其各痛改前非勿再忍心
害理自罹法網

一私開小押宜禁也本處奸民外來匪類每勾串在
配安置軍流人犯朋開小押巧取重利無論黑夜深
更皆可持物往質遂致賊匪易於消贓博徒便於取
本貧乏小民間以器物押錢應用無不受其盤剝種
種流弊貽害無窮例載短票折扣巧取重利嚴拏治
弛益齋續存稿

卷十一

江蘇

三

罪法令森嚴不容稍犯其各改圖別業慎勿故違禁
令自貽伊戚

一花鼓淫戲宜禁也淫詞艷曲最壞人心其聲不堪
入耳其狀難以寓目而一經演唱則娼妓聞風而至
賭博因此而興男女混淆匪徒畢集狗偷鼠竊輒萌
梁上之思淫女姣童得遂桑間之約傷風敗俗莫此
爲甚例載演唱夜戲罪應滿杖况花鼓淫戲尤屬干
犯法紀其各實力驅逐慎勿容留扮演以身試法

一婦女入廟燒香宜禁也吳中婦女佞佛者多於月

之朔望或諸佛誕辰無論菴觀寺院俱各相邀女伴
念佛進香每致僧俗不分男女混雜始或起於鄉愚
繼浸及於紳士此等婦女無非妄希福澤不知女有
父母婦有舅姑卽是家堂活佛果能善爲奉侍克盡
孝養自然致福消災子孫昌盛何必出頭露面禱佛
求神律載縱令妻女於寺觀神廟燒香者罪坐夫男
無夫男者罪坐本婦其寺觀住持及守門之人不爲
禁阻者與同罪法令具在難任故違其各力挽頽風
慎勿視爲固然致取侮辱

勉益齋續存稿

卷十一

江蘇

三

以上五條均爲風俗人心之害經此次示諭之後責
成保甲隨時稽查倘有違示之人立即稟明地方官
嚴拏究辦該保甲耳目甚近斷難諉爲不知如敢徇
情容隱甚或得規包庇一經本署司查出除立拏究
辦外定將該保甲一體治罪本署司言出法隨決不
姑貸其各凜遵毋違

禁搭棚擡詐各條示 道光十八年閏四月

江蘇幅幘遼闊良莠不齊每有無賴游民及奸胥蠹役串通圖詐擾害閭閻本署司前陳臬事廉得數端卽經出示嚴禁其風漸就寢息茲恭膺

簡命載莅此邦誠恐日久玩生仍萌故智不忍不教而誅用是不憚誥誡再申禁約特將所禁各條開列於左

一嚴禁搭棚擡詐以安良善也蘇省有等健訟之徒見人家業豐腴性情懦弱苟有罅隙可乘輒勾串衙勉益齋續存稿

卷十一 江蘇

四

蠹以毫無影響之詞架題挾制砌陷平民或藉田土婚姻或捏借貸賭博睚眦細故裝成切齒之仇口角微嫌故作剝膚之痛甚至顛原作被藉舊翻新一事而枝節橫生一案而紛紜歧控及經有司官認真提訊若非捏報患病卽稱外出成家累月經年案懸莫結被害之人希圖脫累出資賄和而書差人等又復從而勒索視家道之肥瘠爲詐財之多寡遂至中人之產花費殆盡若輩轉得置身事外飽其貪囊種種爲害言之殊堪髮指現經本署司札飭該州縣嗣後

遇有此等案件務須查照控詞嚴行駁飭不得一概
濫准既准之後卽勒差提訊勿任拖延倘審屬虛誣
卽行反坐照誣告加三等例治罪不許以控出有因
及到案卽據實供明輕縱了事亦不得率准親友調
和具呈請息該訟棍衙蠹人等務須痛改前非安分
守已勿再視爲得計自罹法網

一嚴禁殺人毀屍圖詐以懲殘暴也殺人償命人所
共知開棺見屍罪應擬絞乃蘇省有等兇惡之徒每
見人家道殷實或與已素有嫌隙輒將道路老病乞
勉益齋續存稿

卷十一 江蘇

望

丐或自己卑幼親屬擅行殺害割落屍頭潛置其家
竟行赴官投首意圖詐財洩忿既害他人性命并不
顧自己性命殘忍糊塗莫此爲甚又有將他人已殞
已埋屍身或自己親屬屍身擡放他人門首甚至殘
毀屍體持往嫁禍此等惡俗通省間或有之惟常州
府屬爲甚荆溪宜興爲尤甚現經本署司札飭該州
縣嗣後遇有似此案件止將正兇立置重辟解候勘
轉其餘地主鄰佑及一切牽連人證一概勿庸傳訊
倘實在有應質之處亦止摘提一二人卽在屍場訊

明省釋不得帶回衙門濫行羈押致受拖累該兇徒等務須懷刑畏法保全性命勿再逞兇害人自千重典

一嚴禁屍場東道以安民生也蘇省各州縣相驗真正人命及路斃浮屍各案該處地保輒串同刑仵原差及積猾土棍藉以搭備屍厰爲名勒索使費或出自兇犯之家或出自牽連之人甚或全案均屬貧窮派及鄰里鄉黨多則百餘千少則數十千以小民終歲之脂膏飽玩蠹一時之口腹以致鄉里愚民遇有兇盜齋續存稿

卷十一

江蘇

聖

人命每慮使費浩繁私和匿報此等惡習俗名屍場東道現經本署司札飭該州縣嗣後相驗命案凡夫馬船隻及隨帶刑仵書役飯食盤費等項俱自行備用發給不得絲毫累及小民倘差保人等藉端勒派許被害之人當場指名稟究將該差保人等照蠹役詐贓例治罪該差保等務須奉公守法各保身家慎勿輕爲嘗試自取罪戾

以上三條罪有等差法難輕縱經此次示諭之後各宜痛加改悔勉爲善良本署司當予以自新不究旣

往倘敢不知悛改仍蹈前轍一經訪聞或被告發定
卽嚴拏究辦本署司性嚴鉅暴執法如山爾吏民人
等諒亦共聞共見三章法爲爾約三尺法不能爲爾
貸也



冊面頁邊照舊
因各州縣於奉
有並未遵蓋者
理多不劃一詳
提承責處將該
州縣詳請記過
兩據者徐州府

詳通飭各屬詳面遵蓋戳式檄

道光十八年五月

州縣官身任地方遇有上司通飭事件自應凜遵永遠奉行不得以日久稍生玩忽前蒙陞任撫憲林以各屬命盜案件每多詳報遲延頒發戳式通飭於詳冊面頁遵照蓋用填註並經本署司於前任臬司時因各州縣於奉到通行後所詳案件有遵行蓋戳者有並未遵蓋者且有一縣所詳而或蓋或不蓋者辦理多不劃一詳明撫憲如再有玩違卽由該管府州提承責處將該州縣詳請記過嗣據署徐州府王牧勉益齋續存稿

卷十一

江蘇

四

以署蕭縣彭令睢寧縣劉令均未遵蓋稟經本署司詳請各予記過一次仍通飭各屬一律照辦各在案今本署司載陳臬事披閱各州縣詳到命盜案件於詳面蓋用戳式者固多而漏未遵蓋者亦復不少若非該州縣有意抗違通飭卽係於收發公文全未寓目殊非實心任事之道本應卽將漏未蓋戳各州縣查明詳請記過示儆姑念事屬既往合再特札通飭札到該府州官吏立即遵照轉飭各州縣嗣後遇有詳報命盜案件務於詳面遵蓋前頒戳式登註填明

不得再事玩違經此次通飭之後如敢抗不遵蓋或
於奉文之始蓋用數件聊以塞責而日久卽行終止
該府州卽指提遺漏之書吏責處仍將該州縣詳請
記過該州並卽一體遵照仍將遵辦緣由及奉文日
期先行稟復備查

被竊案件捕保勒抑隱匿許隨時赴司攔輿具

稟牌 道光十八年五月

蘇城民居稠密良莠不齊緝捕最關緊要本署司莅任以來屢經嚴飭整頓并面諭三首縣將竊劫等案按旬開報茲查五月中旬所報各册三縣并無一案若果屬實可見捕務漸有起色心慰之至但恐該三縣捕保人等因本署司法令森嚴懼于提比抑勒事主隱匿不報亦不可不防其漸合行牌示爲此牌仰蘇屬居民鋪戶人等知悉爾等如有被竊案件立即勉益齋續存稿

卷十一 江蘇

哭

赴縣據實呈明聽候分別勘驗差緝倘該捕保阻攔勒指或需索規費許爾等開明失單赴本司衙門隨時攔輿具稟以憑飭發究辦此係本署司恐爾等下情不能上達故不拘泥成例爾等具有天良切勿裝點情節浮開贓數甚至平空捏報自干重咎無一案

自以來風聲鶴唳曾受匪徒面諭三首縣紳商等案

和匪只鼠賊盜良莠不齊緝捕最關緊要本署司莅

稟牌

道光十八年五月

如蘇案曾請將賊匪等類望請飭捕保保與具

奉城泰州詳文生張景緒首子張兆祥違忤飭府訊

辦檄

道光十八年五月

案據泰州文生張景緒首子兆祥被姜亮采誘蕩負
債潛逃仲學韶寄信冤鬱嫡姪縊斃伊呈首忤逆有
徐錦泰喬愷盧長齡等統眾攔毆以子逼死之命裁
伊制死禁勒寫據伊擊鼓鳴冤觸于州怒立案不行
子勾喬黃氏等捏誣抵制州書洪剛拂詐弊陷不題
忤逆不究誣告廻護開脫勒令領子結銷求府仍發
州究噫提伸理等詞赴司具控當經前司批府飭究
勉益齋續存稿

卷十一

江蘇

七

去後茲據該州以此案始末情由業已備細訊明據
供定斷並無偏抑乃張景緒逞刁越訴復又提集人
證反覆研鞫僉供張兆祥除負債潛逃而外實無另
犯忤逆不法情事詎張景緒仍以喬黃氏等未經坐
誣爲詞堅不輸服若再由州訊斷難以折服其心已
詳府提郡審辦等情具文呈報前來據此查張景緒
與喬黃氏等互控各情既據該州申稱業已訊明定
斷並無偏抑乃張景緒於案結之後復以首子爲由
牽控他人纏訟不休是其名爲首子實則意存拖累

今提府審辦若將通案人證概行傳質現值農忙之
遂其拖累之計惟張兆祥究係張景緒親子無論其
有無違忤既經其父親告律應卽行坐罪至牽控各
情州既訊明未便因張景緒刁狡不服紛紛傳質致
滋擾累據申前情合亟札飭札到該府卽便遵照由
府專提張兆祥傳同張景緒到案訊明如何違忤不
孝錄供詳辦倘張景緒懇求發遣卽遵照本署司前
次通飭先行柳責詳請發遣毋稍輕縱其餘人證概
免傳質以省拖累總之此案張景緒於其女春女逾
勉益齋續存稿

卷十一

江蘇

哭

歲不爲擇配患病不爲醫調以致抱忿自縊豈得謂
之慈父天性乖漓已可概見量亦無福受子孫孝養
其子孫亦未必克盡孝養張兆祥既係其親生之子
去畱應聽其便地方官不必曲爲保全也該府提訊
時可將此札與之閱看張景緒係屬文生天良定難
終昧或者自知悔悟收之桑榆亦未可定倘仍執迷
如前想因其先世德薄消亡可立而待本署司亦未
如之何已仍將張兆祥提到日期隨時報查

禁拔名東道示

道光十八年五月

日

地方人命理宜迅速報官不容稍事延緩証佐鄰佑務當核實開報毋許任意牽連蘇省人烟稠密良莠不齊凡遇命案無論謀故鬪毆及短見輕生該處地保輒串通屍親於未經呈報之時先將四面居民逐名開出或相距數十家或遠隔二三里苟在遙望之中無不指作鄰佑故素有望鄰名目滋意蔓延多至數名及數十名不等其死者受傷僅止一二處威逼僅止一二人而羅列幫兇則又累牘連篇動輒以數勉盜齋續存稿

卷十一

江蘇

哭

十計非其家稍可溫飽卽其人挾有宿嫌勾結書差恐嚇勒索被開有名之輩懼及干連不得不出錢求免該屍親等慾壑既滿始爲之拔除其名號曰拔名東道日挨一日直待拔名至於無可再待方將拔贖諸人一一開報此等惡俗各屬皆有惟通州及如臯泰典等縣爲甚試思爭鬪之地斃命之處惟左右貼鄰耳目切近例應查傳如實無貼近鄰居方准以次近之人爲鄰佑若佳離較遠平日並未與之相伴焉能知其事之巔末何可妄事牽連况本有近鄰更何

堪接二連三挨戶編列至死者受傷無多或雖多而係一項兇器並無細縛攢毆情形則行兇之人不過一二尤不得連及多名肆其圖詐洩忿之計本署司前莅是邦卽經訪悉情形出示嚴禁乃今披閱案牘並加體察此風仍未盡除不知人命重在正兇罪人斯得則死者冤伸殺人兇犯卽使立時拘拏猶防兇脫若人死之後遲之又久始行報官則兇手已不知遠颺何處且屍停多日發變堪虞往往傷痕糝糊以致慘遭蒸檢該屍親祇知藉命漁利全不顧死者含冤益齋續存稿

卷十一

江蘇

五

冤迨究出訛詐真情猶當照例問擬是死者未能伸冤生者又應坐罪似此見利忘害不惟可恨亦大可憫已合亟剴切出示嚴禁爲此示仰闔屬軍民保甲人等知悉嗣後人命事件如在本城及離城五十里以內者俱限當日報官百里內外限以次日最遲不得出三日其開列鄰佑祇准左右貼壁居民如無近鄰方許將次近之人填報一二名其住離較遠者一概毋許妄開至死者受傷無多或雖多而係一項兇器並非細縛攢毆之傷務將實在同場行兇之人據

實開報不得任意株連其短見輕生之案更不得波及無辜藉屍圖詐自示之後如有呈報遲延必係先已索得拔名東道及敢於連累多人者定將該地保屍親一併從嚴究治書差人等如敢勾結嚇詐亦卽提究重懲決不寬貸本署司志在力挽頽風以杜民累爾等慎勿輕爲嘗試噬臍莫及凜之慎之

無事共享

昇平至於吳下士風舊俗以及民間婦女一切衣服

裝飾等事悉聽從俗宜其本概申禁約乃訪聞有

禁藉端詐擾示

道光十八年五月

爲政以不擾爲先臨民以行簡爲要蘇郡五方雜處水陸交衝踵接肩摩奸良莫辨本署司載陳臬事重蒞此邦首以除莠安民爲念舉凡棍徒匪類擾累閭閻以及事之有關風化有害民生者無不列款出示嚴禁并訪拏犯法之人從重懲辦以冀與吾民相安無事共享

昇平至於吳下土風舊俗以及民間婦女一切衣服裝飾等事悉聽從俗從宜并未概申禁約乃訪聞有勉益齋續存稿

卷十一

江蘇

五

等不法之徒假託本司衙門在外招搖從中嚇詐或稱此事已奉諭禁或捏彼事現飭查拏偶遇商賈宴遊輒指爲挾妓甚見婦女高髻竟拔取釵環非冒密委官衙卽借內差名目種種爲害難以枚舉顯係文武各衙門差役兵丁及地方保甲串通一氣詐擾分肥殊堪痛恨不知本署司令必森嚴事無繁瑣卽所拏匪棍窩家姦賭命盜等犯皆係親加訪察從不寄耳目於旁人迨經密訪確實始行揀委委員會同地方官按名拏辦不特家丁差役不許在外橫行亦未

嘗輕委一員濫差一役代爲查訪乃敢捕風捉影借
徑生波實屬目無法紀若不出示曉諭誠恐無知小
民誤以爲奉本署司差遣隱忍不敢與較轉致奸匪
肆其貪詐良善受其欺陵大失本署司愛養斯民本
意除密訪嚴拏外合亟出示曉諭爲此示仰閭屬軍
民諸色人等知悉爾等務各安分守業畏法懷刑凡
本署司隨時示禁各條必係爲爾等保全身家切宜
實力遵奉其餘無關緊要細事從不過事吹求旣無
飭禁之文卽不在應禁之列自示以後倘有假捏本
署司丁役或冒稱密委官員以及各衙門書差營汛
兵弁地方保甲藉端滋擾者許卽立時扭解來轅稟
候從重究辦被害之人當堂省釋斷不拖累本署司
令出惟行法不姑貸其各稟遵毋違

勉益齋續存稿

卷十一

江蘇

五

京控案件分別奏咨及人證多寡情節輕重劃
一辦理論 道光十八年六月

本司衙門辦理京控案件一切人證卷宗向皆由司
飭提發審而所提之案往往有案關緊要詞證衆多
僅止用檄飭提者亦有情節較輕人證無多轉行委
員守提者辦理殊不劃一自應覈案情之輕重人數
之多寡定立章程分別委提札飭以昭慎重而免歧
異合行諭知論到該承發書卽傳諭各房書吏知悉
嗣後京控案內應提人證卷宗如係

勉益齋續存稿

卷十一

江蘇

五

奏案概行委提其咨部案件如有關命盜賊私案情
重大及情節較輕而人證在十名以上者均委員守
提若案情既輕而人證又在十名以內概行專札飭
提來省審辦庶提解既免遲延辦理仍有區別自諭
之後該書等卽遵照查辦勿得錯誤

諭對發審而迨與之案在封育案關緊要詞證衆多

本衙門辦匪京控案件一切人證卷宗向皆由司

一 續聖諭

道光十八年六月

京控案件分別奏咨及人證多寡情節輕重劃

通飭示禁鴉片檄 道光十八年六月

鴉片出自外洋流入中國病民傷財爲害最烈故開館販賣吸食分別問擬絞候軍徒定例非不甚嚴而吸食終難禁止本年鴻臚寺卿黃 奏請勒限一年戒煙斷癮逾限吸食者概以死論現奉

諭旨交各督撫妥議章程具奏當此

功令森嚴之際凡在軍民士庶人等應知性命攸關痛自改悔惟蘇省爲五方雜處民居稠密之所不獨殷商富戶紈袴子弟嗜食者甚多卽下至工匠僕隸

勉益齋續存稿

卷十一

江蘇

卷五

兵卒倡優人等買食者亦復不少以致射利之徒輒將煙具擺攤公然售賣本署司法必從嚴害除以漸人卽不諳例禁究無自味死生今旣予以期限是從前吸食鴉片者苟其嗜好尙淺不難立刻屏除卽使煙癮已深亦可逐漸戒絕况乎食之則死戒之則生雖在至愚亦所易曉何忍以片時斷癮之難甘受異日斷頸之慘誠恐愚賤無知羣相觀望與其臨事而置之重刑孰若先期而發其聾聵爲亟札飭札到該府州卽飭遵照來文將開館販賣之人先行密訪查

拏盡法懲治一面剴切出示曉諭嗣後擺攤售賣煙
具之人城內限出示五日內鄉鎮限一月內概行銷
燬免其治罪逾限不遵即便查拏到案從重懲辦食
煙之人亦卽曉以利害諭令戒絕務使及早回頭勿
任迷途不返凡我軍民諒無有冥頑不靈自甘就戮
者此係本署司爲保全民命起見該府州務卽迅速
遵辦慎勿視爲具文通都大邑示諭必周僻境窮鄉
亦須布告如能家喻戶曉或可革面洗心然而令在
必行法期無弊倘有文武各衙門書差兵役勾通本
勉益齋續存稿

卷十一

江蘇

五

地匪徒以搜查鴉片爲名遇事生風在路邀截盤詰
或於往來行舟及良懦人家藉端搜索乘便搶取財
物訛詐錢文者立卽嚴拏到案查照搶劫及詐擾本
例從重究辦倘任聽滋擾一經訪聞或被告發除將
本犯提案懲治外該府州均于未便仍將示稿抄呈
通送備查并將該衙門差役有無在外滋擾緣由先
行稟覆均毋違延

禁沿河匪徒假托支更需索客船示

道光十八年七月

墩鋪嚴巡防之責關津重擊柝之司更夫之設原所以防宵小而安行旅也豈容不法之徒假托巡查藉端詐擾蘇省地鄰海澨襟帶江湖又港紛歧支河錯出凡過往船隻隨處皆可停泊茲本署司訪聞各處沿河地方竟有不法之徒假托支更每晚必向停泊客船需索錢文名曰更錢稍不遂慾此船必遭偷竊是名爲巡更之人實卽行竊之輩大爲商旅之害地保汛兵耳目較近若非坐地分肥何肯容隱不報亟

勉益齋續存稿

卷十一

江蘇

五

應嚴拏懲辦以安行旅而靖地方除飭各屬於沿河泊船處所密訪查拏外合行出示曉諭爲此示仰過往客商船戶及地保汛兵人等知悉自示之後如有前項匪徒在於沿河一帶假託支更向船需索許被累之人立時扭交該地保汛兵解縣究懲該地保汛兵亦卽隨時查察遇有似此匪類拏獲稟辦倘敢得規庇護一經訪聞或被告發定卽一併提究重處決不姑寬其各稟遵勿違

陸希賢呈批

道光十八年七月

骨肉爭產互控屢息屢翻挾兩不相讓之心成欲罷不能之勢全不顧傷殘天性且必致立見消亡風俗之澆漓至此已極地方官之教化亦可概見而書差訟棍視同魚肉播弄把持更不問可知矣此案前據陸鄒氏以陸希賢等欺孀佔產等詞來司具呈卽經前署司批州提究斷詳在案茲又據陸希賢以晰呈訟源等詞控訴本署司查覈案情陸鄒氏故夫係陸希賢胞弟其所繼之子又係陸希賢親生陸希賢似勉益齋續存稿

卷十一

江蘇

五

無所用其佔產據稱係陳輯五等扛幫捏控不爲無因現在陸希賢與陸鄒氏等均在州投到仰通州速卽專差勒拘陳輯五等并前提未到人卷提集質訊秉公斷詳勿再延訟滋累此等爭產案件在官人役每居爲奇貨不肖親族又視爲恒產往往不肯聽其速結該州若果卽不能速結是平時旣失于化導致小民自外倫常臨事又不能明決任奸徒施其伎倆父母斯民之謂何豈不問心有愧耶至本署司職司教養前次陳臬已歷三年此次來吳亦經數月徒

有化民成俗之志愧無潛移默化之方清夜自思實
深慚忤惟賴賢牧令隨時誥戒逐案懲創不任拖累
不憚煩勞務臻仁讓之風以成親睦之俗本署司有
厚望焉

不願將子發遣
惟查張景緒先
柳責完案以順輿情



揚州府詳泰州文生張景緒首子張兆祥忤逆

批答 道光十八年七月

此案前因張景緒呈首伊子牽控他人狡執纏訟經本署司剴切札飭傳訊詳辦茲據訊張景緒僅因伊子張兆祥家累負欠赴州呈首並無忤逆違犯情事不願將子發遣自應俯如所請枷責完案以順輿情惟查張景緒先因與喬黃氏等涉訟藉以首子爲由節次翻控止知拖累他人不願傷殘骨肉以身列膠庠之人尙復愚昧至此可恨亦殊可憫而張兆祥爲

勉益齋續存稿

卷十一

江蘇

卒

張景緒親子果能恪盡孝道子職無虧則至性所關張景緒亦未必卽以負欠細故忍心首告誠恐父既不父子亦不子推原其故總由地方官不能善爲化導遂致失其天性自外倫常現在張景緒父子既均知悔悟痛哭流涕出於至誠可見尙非不可感化之人則平日不爲感化但知勢迫刑驅者問心豈不有愧仰揚州府卽飭泰州速將張兆祥提案照擬枷示滿日傳令張景緒看視折責交其領回管束仍將本署司此批與之閱看並再剴切勸諭務令從此父慈

子孝洩融融家室雍和門庭豫順庶不負本署司
教誨成全之意慎勿另生枝節再昧天良自貽伊戚
也



